

唐
音
統
籤

丁籤二十五

唐音統籤卷

三百六十八

秦系字公緒會稽人自天寶間有詩名藩鎮奏辟皆不就嘗避地越之剡溪自稱東海釣客後寓泉之南安隱九日山張建封以不可招致請就加校

書郎貞元中復東遊丹陽卒年八十餘詩一卷

夏

卿曰系在剡川作麗句亭郡守改其居曰秦君里大曆五年北都留守薛兼訓奏為右衛率府倉曹參軍以疾辭不就建中初隱于泉之南安新唐書隱逸傳系隱南安九日山山有大松百餘章俗傳東晉時所植結廬其穴石為研注老子彌年不出刺史薛播數往見之歲時致羊酒而系未嘗至城門屢公輔之請見系輒窮日不能去築室與相近忘流落之苦公輔卒妻子在遠系為葬山下後南安人思系為立老于亭號其山為高士峰系集詩二十九篇唐曆中已夏卿榜之于亭又于

顧陶類詩中得八篇同榜之後紹興中南安主管
學事張端刻系詩又益二篇為三十九篇則得之
宋次道寶刻叢書補入者夏卿實預修唐史新書
之為立傳蓋呂志也權德輿曰李詩詞約言深
作近致遠劉長卿自以為五言長城系用偏師攻
之雖老益壯韋應物亦深推服之有五言長城為
若休之句徐獻忠曰秦隱君風慕林丘早懷曠
度但氣過其文遂乏華秀寥寥自得亦可謂跨俗
而巳

五言律詩

春日閑居三首

一似桃源隱將令過客迷礙冠門柳長驚夢院鶯
啼澆藥泉流細圍碁日影低舉家無外事共愛草
萋萋

長謡朝復暝幽獨幾人知老鶴兼雛弄叢篁帶笋
移白雲將袖拂青鏡出簷窺邀取漁家叟花間把
酒卮

寂寂池亭哀軒窓間綠苔遊魚牽荇沒戲鳥踏花
摧小徑僧尋去高峰鹿下來中年曾屢辟多病復
遲廻

將移耶溪舊居留呈嚴長史陳校書

雞犬漁舟裏長謡怪興徧卽今邀客

一作那邀落日

醉已

被遠山迎書笈將非重荷衣着甚輕謝安無箇事
忽起爲蒼生

徐侍郎素未相識時攜酒命饌兼命諸詩客
同訪會稽山居

忽道仙翁至幽人學拜迎華簪窺甕牖珍味代藜
羹洗硯魚仍戲移樽鳥不驚蘭亭攀叙却會此越
中營

晚秋拾遺朱放訪山居

不逐時人後終年獨閉關家中貧自樂石上卧常
閑墜栗添新味殘花帶老顏侍臣當獻納那得到
空山

山中枉張宙員外書期訪衡門

常恨相知晚，朝來枉數行。
卧雲驚聖代，拂石候仙郎。
時菓連枝熟，春醪滿甕香。
貧家仍有趣，山色滿湖光。

秋日過僧惟則故院

衰草經行處，微燈舊道場。
門人失譚柄，野鳥上禪床。
科斗書空古，梅檀鉢自香。
今朝數行淚，却灑約公房。

早秋宿崔業居處

從來席不暖，爲爾便淹留。
難黍今相會，雲山昔共遊。
上簾宜晚景，卧簟覺新秋。
身事何須問，余心正

四愁

題石室山王宁所居

罷官學道

白雲知所好
栢葉幸加餐
石鏡妻將照
仙書我借看
鳥來翻藥碗
猿飲怕魚竿
借問巖前樹
何枝曾掛冠

題鏡湖野老所居

一作馬戴誤

湖裏尋君去
樵風往返吹
樹喧巢鳥出
路細葑田移
漚亭成魚網
枯根是酒卮
老年唯自適
生事任群兒

題女道士居

不解芝朮四十餘年一作馬戴誤

不餌住雲溪，休丹罷藥畦。
杏花虛結子，石髓任成泥。
掃地青牛卧，栽松白鶴栖。
共知仙女麗，莫是阮郎妻。

山中贈張正則評事

系時被奏石衛佐以疾不就

終年常避喧，師事五千言。
流水閑過院，春風與閉門。
茗溪云閑遠有味山容邀上客，桂實落華軒。
莫強教余起，微官不足論。

贈烏程楊萃明府

策杖政成時，清溪弄釣絲。
當年潘子貌，避病沈侯詩。
漉酒迎賓急，看花署字遲。
楊梅今熟未，與我兩

三枝

送王道士

真人俄整舄雙鶴屢飛翔恐入壺中住須傳肘後
方霓裳雲氣潤石徑木苗香一去何時見仙家日
月長

五言排律

山中崔大夫有書相問

客在煙霞裏閑閑逐狎鷗終年常蹕足連日半蓬
頭帶月乘魚艇迎寒綻鹿裘已於人事少多被掛
冠留素業堆千卷清風至一丘蒼黃倒藜杖僂僂

覩銀鈎跡愧巢由隱才非管樂儔從來自多病不
是傲王侯

七言律詩

題章野人山居

一作馬戴誤

帶郭茅亭詩興饒回看一曲倚危橋門前山色能
深淺壁上湖光自動搖閑花散落填書帙戲鳥低
飛礙柳條向此隱來經幾載如今已是漢家朝

題茅山李尊師山居

一作嚴維誤

天師百歲少如童不到山中更不逢洗藥每臨新
漉水步虛時上最高峰籬根一作間五月留殘雪石

上千年蔭怪松此去人寰知近遠回看雲壑一重

獻薛僕射

并序

系家于剡山向盤一紀大曆五年人以文聞鄧
守薛公無何奏奉右衛率府少府參軍兼所不
欲以疾辭免因將
命者輒獻斯文

由來那敢議輕肥散髮行歌自採薇逋客未能忘
野興辟書翻遣脫荷衣家中匹婦空相笑池上群
鷗盡欲飛更乞大賢容小隱益看愚谷有光輝

山中枉皇甫溫大夫見招書

十年木屐步苔痕石上松間水自喧三辟草堂仍

被褐數行書札忽臨門卧多共惜嵇康病才劣虛
同郭隗尊亞相已能憐潦倒山花笑處莫啼猿

鮑員外見尋因書情呈贈

曾與系同舉場

少小爲儒不自彊如今懶復見侯王覽鏡自知身
漸老買山將作計偏長荒涼鳥獸同三迕撩亂琴
書共一床猶有郎官來問疾時人莫道我徉狂

耶溪書懷寄劉長卿員外

時在睦州

時人多笑樂幽棲晚起閑行獨杖藜雲色卷舒前
後嶺藥苗新舊兩三畦偶逢野菓將呼子屢折荆
釵亦爲妻擬共釣竿去往復嚴陵灘上勝耶溪

山中奉寄錢起員外兼簡苗發員外

空山歲計是胡齋窮海無梁泛一槎稚子唯能覓

梨栗逸妻相共老煙霞朗

一作高

吟麗句驚巢鶴閑

對春風看落花借問省中何水部今人幾箇屬詩家

寄浙東皇甫中丞

閑閑麋鹿或相隨一兩年來鬢欲衰琴硯共依春
酒甕雲霞覆著破柴籬注書不向時流說種藥空
吟道者知久帶紗巾仍藉草山中那得見朝儀

五言絕句

會稽山居寄薛播侍郎袁高給事高參舍人
稷尚今爲相明君復是堯寧知買臣困猶負會稽
樵

張建封大夫奏系爲校書郎因寄此作

久是煙霞客潭深釣得魚不知芸閣上遺校幾多
書

七言絕句

閑居覽史

長策胸中不復論荷衣藍縷閉柴門當時漢祖無
三傑爭得咸陽與子孫

期王鍊師不至

黃精蒸罷洗瓊杯林下從留石上苔昨日圍碁未

終局多

一作已又作且

乘白鶴下山來

宿雲門上方

禪室遙看峰頂頭白雲東去水長流松間倘許幽人住不更將錢買沃洲

題僧明惠房

簷前朝暮雨添花八十真僧鉢一麻入定幾時還
出定不知巢鷲污袈裟

題洪道士山院

霞外主人門不扃數株桃樹藥囊青閑行池畔隨
孤鶴若問多應道姓丁

題贈張道士山居

盤石垂蘿卽是家回頭猶看五枝花松間寂寂無
煙火應服朝來一片霞

卽事奉呈韋鄴中使君

時系試秘書
省校書郎

久卧雲間已息機青袍忽着狎鷗飛詩興到來無
一事郡中猶有謝玄暉

答泉州薛播使君重陽日贈酒

欲強登高無力也簪邊黃菊爲誰開共知不是潯

陽郡那得王弘送酒來

山中贈拾遺耿湜兼兩省故人

數片荷衣不蔽身
青山百鳥豈知貧
如今非是秦時世
更隱桃花亦笑人

山中贈諸暨丹丘明府

荷衣半破帶莓苔
笑向陶潛酒甕開
縱醉還須上山去
白雲那肯下山來

山中書懷寄張建封大夫

昨日年催白髮新
身如麋鹿不知貧
時時亦被群兒笑
賴有南山四老人

奉寄晝公

蓑笠雙童傍酒船
湖山相引到房前
芭蕉何事教人見
暫借空床坐禪

秋日送僧志幽歸山寺

一作馬戴誤

禪室繩床在翠微
松間荷笠一僧歸
磬聲寂歷宜秋夜
手冷燈前自衲衣

曉雞

黯黯嚴城罷鼓鼙
數聲相續出寒棲
不嫌驚破紗窗夢
却恐爲妖半夜啼

卷終

丁籤二十六

唐音統籤卷

二百六十九

盧綸字允言河中蒲人天寶避亂客鄱陽大曆初數舉進士不第元載取其文以進補閔鄉尉累遷監察御史輒稱疾去坐與王縉善久不調建中初爲昭應令渾瑊鎮河中辟判官累遷檢校戶部郎中嘗朝京師舅韋渠牟表其才得召見帝有所作輒使廢和異日問渠牟綸與李益何在答曰綸從渾瑊在河中驛召之會卒大曆十才子俱工五言

詩綸辭情健麗爲九王集十卷今編六卷

憲宗嘗詔中書

舍人張仲素訪綸遺文

文宗尤愛其詩問宰相李德裕綸集幾何道中使從其子簡能悉索家筒得

五百篇爲十卷上獻宋志僅存一卷今搜得詩三百三十一篇分六卷少簡能所上一百餘篇無可考矣 綸四子簡能簡辭弘正簡求並擢進士第諸系亦多登甲榜爵世貴盛六卿方鎮相繼而曾孫文紀五代時位居宰輔史稱其辭爲開門云

五言古詩

奉陪侍中遊石笋溪十二韻

朝日望靈山中溪浩紛錯圖書無舊記鯨禹應新鑿雙壁瀉天河一峰吐蓮萼潭心亂雪卷巖腹繁珠落彩蛤攢錦囊芳蘿媚花索猿群曝陽嶺龍穴腥陰壑靜得漁者言閑聞洞仙博欬松倚朱幃廣石屯油幕國泰事留侯山春從康樂間關殊狀鳥

爛熳無名藥欲驗少君方還吟大隱作旌幢不可
駐古塞新沙漠

上巳日陪齊相公花樓宴

鍾陵暮春月飛觀延群英晨霞耀中軒滿席羅金
瓊持盃凝遠睇觸物結幽情樹杪參差綠湖光潋
灩明禮卑瞻絳帳恩浹厠華纓徒記山陰興一作念

念此

一作今日乃爲榮

與張擇對酌

張翁對盧叟一榼山村酒傾酒請予歌忽蒙張翁
呵呵予官非屈曲有怨詞多歌罷謝張翁所思殊

不同予悲方爲老君責一何空曾看樂官錄向是
悲翁曲張老聞此詞江汪淚盈目盧叟醉言麤一
杯凡數呼迴頭顧張老敢欲戲爲儒

太白西峰偶宿車祝二尊師石室晨登前巘
憑眺書懷卽事寄呈鳳翔齊員外張侍郎

弱齡誠昧鄙遇盛唯求止如何羈滯中得步青冥
裏青冥有桂藂冰雪兩仙翁毛節未歸海月梯閑
倚空逍遙擬上清洞府不知名醺罷雨常至客辭
山忽明山明鳥聲樂日氣生石巘一作壑
樹脩脩白雲如水流白雲消散盡寒隴儼然秋積

阻關河固綿聯烽戍稠五營承廟略四野失邊愁
吁嗟繁塵役又負靈仙迹芝朮自芳香泥沙幾沈
溺書此欲沾衣平生事每違煙霄不可仰鸞鶴自
追隨

秋中野望寄舍弟綬兼令呈上西川尙書舅
憂來思遠望高處殊非愜夜露濕蒼山秋陂滿黃
葉人隨鴈迢遞棧與雲重疊骨肉暫分離形神遂
疲繭紅旌渭陽騎幾日勞登涉蜀道蒿松筠巴江
盛舟楫小生卽何限簡誨偏盈篋舊恨尚填膺新
悲復縈曉因求種瓜利自喜歸耕捷井臼賴依鄰

兒童亦勝汲塵容不在照雪髯那堪鑷唯有食霞
心知未與天接

和李中丞謝萬年房署少府過汾州景雲觀
因以寄上房與李早年同居此觀

顯晦潛無迹賢哉常晏如如何警孤鶴忽乃傳雙
魚叙以泉石舊悵然風景餘低回青油幕夢寐白
雲居玉洞桂香滿雪壇松影疎沉思矚仙侶紆組
正軍書積學早成道感恩難遂初梅生諒多感歸
止豈吾廬

綸與吉侍郎中孚司空郎中曙苗員外發崔

補闕喇耿拾遺津李校書端風塵追遊向三十載數公皆負當時盛稱榮耀未幾俱沉下泉寄博士當感懷前蹤有五十韻見寄輒有所酬兼寄夏侯侍御審侯舍曹釗

稟命孤且賤少爲病所嬰八歲始讀書四方遂有兵童心幸不羈此去負平生是月胡入洛明年天隕星夜行登灞陵惆恍靡所征雲濤一翻蕩魚龍俱不寧因浮襄江流遠寄鄱陽城鄱陽富學徒誦我慙無營論以詩禮義勗隨賓薦名舟車更滯留水陸互陰晴曉望雲陣夜愁驚鶴聲悽悽指宋

郊浩浩入秦京。沴氣旣風散。皇威如日明。方逢粟
比金。未識公與卿。十上不可待。三年竟無成。偶爲
達者知。揚我于王廷。素志且不立。青袍徒見縈。昏
屏風自保。靜躁本殊形。始趨甘棠陰。旋遇密人迎。
考實績無取。責能才固輕。新豐古離宮。宮樹鎖雲
扃。中復蒞茲邑。往惟曾所經。繚垣何逶迤。水殿亦
崢嶸。夜雨滴金砌。陰風吹玉櫺。官曹雖檢率。國步
日夷平。命塞固安分。禍來非有萌。因逢駭浪飄。幾
落無辜刑。巍巍登壇臣。獨正天柱傾。悄悄失途子。
分將秋草并。百年甘守素。一顧乃拾青。相逢十月

交衆卉飄已零感舊諒戚戚問孤懸
煒煒侍郎文章宗傑出淮楚靈掌賦若吹簫司言如建瓴郎中
善餘慶雅韻與琴清樽爵松帶雪蕭蕭鴻入冥
外真貴儒弱冠披華纓月香飄桂實乳溜滴瓊英
補闕思冲融巾拂藝亦精綵蝶戲芳圃瑞雲凝翠
屏拾遺典難倖逸調曠無程九醞貯彌潔三花寒
轉馨校書才智雄舉世一娉婷賭墅鬼神變屬詞
驚鳳驚差肩曳長裾總轡奉和鈴其賦瑤臺雪同
觀金谷筆倚天方比劍沉井忽如瓶神昧不可問
天高莫爾聽君持玉盤珠瀉我懷袖盈讀罷涕交

願言躋百齡

同吉中孚夢桃源二首

春雨夜不散夢中山亦陰雲中碧潭水路暗紅花
林花水自湫淺無人知古今

夜靜春夢無夢逐仙山客園林滿芝朮雞犬傍鐘
欄幾處花下人看予笑頭白

孤松吟謝渾贊善

深山荒松枝雪壓半離披朱門青松樹萬葉乘清
露露重色逾鮮吟風似遠泉天寒香自發日麗影
常圓陰郊一夜雪榆柳皆枯折迴首望君家翠蓋

滿瓊花捧君青松曲自顧同衰木曲罷不相親
深
山頭白人

送吉中孚校書歸楚州舊山

中孚自仙官入仕

青袍芙蓉郎談笑揖侯王舊錄藏雲穴新詩滿帝鄉
名高閑不得到處人爭識誰知冰雪顏已雜風塵色
此去復如何東臯岐路多藉茅臨紫陌回首憶
一作望滄波年來倦蕭索但說淮南樂並檝湖上

遊連檣月中泊沿溜入閨門千燈夜市喧喜逢憐
舍伴遙語問鄉園下淮風自急樹杪分郊邑送客
隨岸行離人出帆立漁村遶水田澹浦隔晴煙欲

就林中醉先期石上眠
林昏天未曙但向雲邊去
暗入無路山心知有花處
登高口轉明下望見春
城洞裏草空長塚邊人自耕
寥寥行異境過盡千
峰影雲色凝古壇泉聲落寒井
仙成不可期多別
自堪悲爲問桃源客何人見亂時
此轉韻詩也俗本多分爲十一首非是今從文苑英華改正

顏侍御廳叢筍詠送薛存誠

玉幹百餘莖生君此堂側
拂簾寒雨響擁砌深溪色
何事鳳凰雛茲焉理歸翼

同暢當詠蒲團

團團錦花結乃是前溪蒲擁坐稱儒褐倚眠宜病
夫唯當學禪寂終老與之俱

七言古詩

冬中登城樓有懷因贈程騰

生涯何事多羈束賴此登臨暢心目郭南郭北無
數山萬井逶迤流水間彈琴對酒不知暮岸幘題
詩身且閑風聲蕭蕭鴈飛絕雲色茫茫欲成雪遙
思海客天外歸坐想征人兩頭別世情多以風塵
隔泣盡無因畫籌策誰知白首窓下人不接朱門
坐中客賤亦不足歎貴亦不足陳長卿未遇楊朱

泣蔡澤無媒原憲貧如今萬乘方用武國命天威
借貔虎窮達皆爲身外名公侯可廢刀頭取君不
見漢家邊將在邊庭白羽三千出井陘當風看獵
擁珠翠豈在終年窮一經

送張郎中還蜀歌

秦家御史漢家郎親專兩印征殊方功成走馬朝
天子伏檻談邊若流水曉離仙署趨紫微夜接高
儒讀青史瀘南五將望君還願以天書示百蠻山
棧重江初過雨前旌後騎不同山迎車拜舞多耆
老舊幸新營遍青草塞口雲生火候遲煙中鶴唳

軍行早黃花川下水交橫遠映孤霞蜀國晴邛笮
笮長椒瘴起荔枝花發杜鵑鳴迴首岷峨半天黑
傳觴接膝何由得空令豪士仰威名無復貧交恃
顏色垂楊不動雨紛紛錦帳胡瓶爭送君須臾醉
起簫笳發空見雙旌入塞雲

陳翊郎中北亭送侯釗侍御賦得帶水流歌
溪中鳥鳴春景且一派寒水忽開散壁方鏡圓流
不斷白雲鱗鱗滿河漢疊處淺旋處深撇捩寒魚
上復沉群鷺鼓舞清音主人有客簪白筆玉壺
貯水光如一持此贈君君飲之聖君識君冰玉姿

賦得白鷗歌送李伯康歸使

積水深源白鷗翻翻倒影光素于潭之間銜魚魚
落亂驚鳴爭撲蓮蓼蓮葉傾爾不見波中鷗鳥閑
無營何必汲汲勞其生柳花溟濛大堤口悠揚相
和乍無有輕隨去浪杳不分細舞春風一何久亦作何久
者非似君換得白鵝時獨凭欄干雪滿池今日還
同看鷗鳥如何羽翮復叅差復叅差海潮瀾漫何
由期

送從叔牧永州

五侯軒蓋行何疾零陵太守登車日零陵太守泪

盈巾此日長安方欲春虎符龍節照岐路何著愁
爲江海人彼方韶景無時節山水諸花恣開發客
投津戍少聞猿鴈過瀟湘更逢雪郡齋無事好閑
眠秔稻油油綠滿川浪裏爭迎三蜀貨月中喧泊
九江船今朝卜阮同夷老欲問明君借幾年

送餞從叔辭豐州幕歸嵩陽舊居

白鬚宗孫侍坐時願持壽酒前致詞鄙詞何所擬
請自遶城始遶城貴者李將軍戰鼓遙疑天上聞
屯田布錦周十里牧馬攢花溢萬群白雲本是喬
松伴來遶青營復飛散三聲盡角咽不通萬里蓬

根一時斷豐州聞說似涼州沙塞晴明部落稠行
客已去依獨戍主人猶自在高樓夢親旌旆何由
見每值清風一回面洞裡先生那恆遲人天無路
自無期杪泉丹井非同味桂樹榆林不並枝吾翁
致身殊得計地仙亦是三千歲莫着戎衣期上清
東方曼倩逢人輕

敬顏魯公送挺贊歸翠微寺

挺贊慧學武儒釋袖有顏徐真草跡一齋三請紀
行詩誚我垂鞭弄鳴鏑寺懸金榜牛山隅石路荒
涼松樹枯虎跡印雪大如之閑月暮天過得無

臘日觀咸寧王部曲娑勒擒豹歌

山頭曠曠日將出山下獵圍照初日前林有獸未
識名將軍促騎無人聲潛形跪伏草不動雙鵬轉
旋群鴉鳴陰方質子才三十譯語受詞蕃語揖捨
鞍解甲疾如風人忽虎蹲獸人立歟然扼纓批其
頤爪牙委地涎淋漓既蘇復吼_{於綬切}仍怒果叶
英謀生致之拖自深叢目如電萬夫失容手馬戰
傳呼賀拜聲相連殺氣騰凌陰滿川始知縛虎如
縛鼠敗虜降羗生眼前祝爾嘉訶爾無苦獻爾將
隨犀象舞苑中流水禁中山期爾攫搏開天顏非

熊之兆慶無極願紀雄名傳百蠻

宴席賦得姚美人搗箏歌

美人曾在禁中

出簾仍有鈿箏隨見罷翻令恨識遲微收皓腕纏
紅袖深遏朱絃低翠眉忽然高張應繁節玉指迴
旋若飛雪鳳簫龍管寂不喧繡幕紗窓儼秋月有
時輕弄和郎歌慢處聲遲情更多已愁紅臉能佯
醉又恐朱門難再過昭陽伴裡最聰明出到人間
纔長成遙知禁曲難翻處猶自君王說小名

蕭常侍瘞栢亭歌

伯之異者山中靈好人斷絕爲君亭雲翻浪捲不

可識鳥獸成形花倒植
莓苔舊點色尚青
霹靂殘痕節猶黑
金貂主人漢三老
構此窮年下朝早
心規日製不暫疲
匠者受之無一詞
清旋拂匣菱生鏡
落日憑闌星滿池
攢薨闕拱無斤跡
根瘦聯懸同素壁
數層亂瀉雲裏峰
萬片爭呈雪中石
重簾不動自飄香
似到瀛洲白玉堂
水精如意方含色
雲母屏風遽掩光
四堵綿綿被纖草
草上依微聚山道
松間汲井煙翠寒
洞裏圍碁天景好
愚儒敢欲賀成功
鸞鳳棲翔固不同
應念廢材今接地
一枝思寄戶庭中

栖巖寺隋文帝馬腦盞歌

天宮寶鑑隋朝物鑲在金函比金骨開函捧之光
乃發阿修羅主掌中月五雲如拳輕復濃昔曾喫
酒今藏龍規形環影相透徹亂雪繁花千萬重可
憐貞質無今古可歎隋陵一坏土宮中艷女滿宮
春得親此寶能幾人一留寒殿殿將壞唯有幽光
通隙塵山中老僧眉似雪忍死相傳保扇鏤

難綰刀子歌

黃金鞘裏青蘆葉麗若剪成銛且翬捷輕冰薄
玉狀不分一尺寒光堪決雲吹毛可試不可觸似

有蟲鏤闕裂文淬之幾墮前池水焉知不是蛟龍
子割難刺虎背若空願應君心遂君指并州難縮
竟何人每成此物如有神

割飛二刀子歌

我家有剪刀人云鬼國鐵裁羅裁綺無鈍時用來
三年一股折南中匠人淳用鋼再令盤屈隨手傷
改鍛割飛二刀子色迎霽雪鋒含霜兩條神物秋
冰薄刃淬初蟾鞘金錯越戟吳鉤不足誇斬犀切
玉應懷昨日試曾磨漢水邊掌中悵慄聲冷然神
驚魄悻却收得刀頭已吐微微煙刀乎刀乎何燁

燁燁魅須藏。恠須懾。若非良工變爾形。只向裁縫
委箱篋。

和趙給事白蠅拂歌

華堂多衆珍。白拂稱殊異。柄裁沉節香。襲人上結
爲文下。垂穗霜縷霏。微瑩且柔。虎鬚乍細。龍髯稠
皎然。素色不因染。浙爾涼風非。爲秋群蠅青蒼恣
遊息。廣庖萬品無顏色。金屏成點玉成瑕。晝眠宛
轉空咨嗟。此時蒲筵看一舉。荻花忽旋楊花舞。君
如寒隼驚群禽。颯若繁埃得輕雨。主人說是故人
留。每誠如新比白頭。若將揮玩隔臨水。願接波中

一白鷗

慈恩寺石磬歌

靈山石磬生海西海濤平處與山齊長眉老僧同
佛力呪使鯨人往求得珠穴沈成綠浪痕天衣拂
盡蒼苔色星漢徘徊山有風禪翁靜扣月明中群
仙下雲龍出水鸞鶴交飛半空裏城精木魅不可
聽落葉秋砧一時起花宮杳杳響泠泠無數沙門
昏夢醒古廊燈下見行道疎林池邊聞誦經徒壯
洪鐘秘高閣萬金費盡工雕鑿豈如全質掛青松
數葉殘雲一片峰吾師寶之壽中國願同劫石無

終極

丁籤二十六虞綸之二

唐音統籤卷

一百七

五言律詩一

皇帝感詞四首

提劍雲雷動垂衣日月明
禁花呈瑞色國老見星精
發棹魚先躍窺巢鳥不驚
山呼一萬歲直入九重城

天衣五鳳彩御馬六龍文
雨露清馳道風雷翊上軍
高於花外轉行漏樂前聞
時見金鞭舉空中指瑞雲

妙算干戈止神謀宇宙清
兩階文物盛七德武功

成校獵長楊苑屯軍細柳營歸來獻明主歌舞盛

一作
滿春城

天樂下天中雲輶儼在空鈇黃艷河漢語笑合笙
鏞已見長隨鳳仍聞不避熊君王親試舞閭闔靜
無風

春江夕望

洞庭芳草遍楚客莫思歸經難人空老逢春鴈自
飛東西兄弟遠存歿友朋稀獨立還垂淚天南一
布衣

秋晚山中別業

樹老野泉清幽人好獨行去閑知路靜歸晚喜山
明蘭艾通荒井牛羊出古城茂陵秋最冷誰念一
書生

落第後歸終南別業

久爲名所誤春盡始歸山落羽羞言命逢人強破
顏交疎貧病裏身老是非間

劉辰翁云
怨極自然

不及東溪

月漁翁夜伴還

卧病書懷

苦心三十載白首遇艱難舊地成孤客全家賴釣
竿貌衰緣藥盡起晚爲山寒老病今如此無人更

問看

夜泊金陵

圓月出高城蒼蒼照水營江中正吹笛樓上又無
更落下仍傳箭關西歎進兵誰知五湖外諸將但
爭名

泊楊子江岸

山映南徐暮千帆入古津

一作古津以有古陽洲也

魚驚出浦

火月照渡江人清鏡催雙鬢滄波寄一身空憐莎
草色長接故園春

江行次武昌縣

家寄五湖間扁舟往復還年年生白髮處處上青山
去國空知遠安身竟不閑更悲江畔柳長是北人攀

同柳侍郎題侯釗侍郎新昌里

一作劉侍御春日見招

清源君子居左右滿圖書三逕春自足一瓢歡有餘
庭莎成野席闌藥是家蔬幽顯豈殊迹昔賢徒病諸

題李沆林園

古巷牛羊出重門接柳陰閑看入竹路自有向山心
種藥齊幽石耕田到遠林願同詞賦客得興謝

家深

題苗員外竹間亭

高蹇絕行塵開簾似有春風傾竹上雪山對酒邊
人步緩先逢日書空遠見隣還同內齋暇登賞及
諸姻

題楊號縣竹亭

夜宿宓公室話餘將晝興遶堦三運雪當戶一池
冰家訓資風化心源隱政能明朝復何見葉草古
溝塍

題雲際寺上方

松高蘿蔓輕中有石床平下界水常急上方燈自
明空門不易啟初地本無程迴步忽山盡萬緣從
此生

題興善寺後池

極玄集
取此

隔窓樓白鳥似與鏡湖鄰月照何年樹花逢幾番
一作人岸莎青有路苔徑綠無塵永願容居止僧
中老此身

奉陪渾侍中上巳日泛渭河

青舸錦帆開浮天接上台晚鶯和玉笛春浪動金
罍舟檣方朝海鯨鯢自曝腮應憐似萍者空逐榜

人回

奉陪渾侍中五日登白鶴樓

高樓倚玉梯
朱檻與雲齊
顧盼臨霄漢
談諧息鼓鼙
洪河斜更直
野雨急仍低
今日陪罇俎
還應醉似泥

九日奉陪渾侍中宴白鶴樓

露白菊氛氲
西樓盛襲文
玉筵秋令節
金鉞漢元勳
說劍風生座
抽琴鶴遶雲
謏先了儒無以答
願得備前軍

九日奉陪侍中宴後亭

玉壺傾菊酒一顧得淹留彩筆微枚叟花筵舞莫
愁管絃能駐景松桂不停秋爲謝蓬蒿輩如何霜
霰稠

陪中書李紆舍人夜泛東池

看月復聽琴移舟出樹陰夜村機杼急秋水菱荷
深石靜龜潛上萍開葉暗沉何言杯酒興得見五
湖心

春日陪李庶子遵善寺東院曉望

映竹水田分當山起鴈群陽峰高對寺陰井下通
雲雪晝唯逢鶴花時此見君由來禪誦地多有謝

公文

九日同司直九叔崔侍御登寶雞南樓

把菊歎將老上樓悲未還
短長新白髮重疊舊青山
霜氣清襟袖琴聲引醉顏
竹林唯七友何幸亦登攀

秋夜宴集陳雄郎中圃亭美校書郎張正元

歸鄉

泉清蘭菊稠紅果落城溝
溝保慶臺榭古感時琴瑟
秋頽儒歡頗至名士禮能
周爲謝邑中少無驚池上
鷗

冬日宴郭監林亭

玉勒聚如雲
森森鸞鶴群
據梧花爛接
沃漱石泉
分華味
慙初識新聲
喜盡聞此山
招老賤敢不謝
夫君

同薛存誠登栖嵒寺

衰蹇步難前
上山如上天
塵泥來自晚
猿鶴到何
先
萬壑應孤磬
百花通一
泉
蒼蒼此明月
下界正
沉眠

同崔峒補闕慈恩寺避暑

寺涼高樹合
卧石綠陰中
伴鶴慙仙侶
依僧學老

翁魚沉荷葉露鳥散竹林風始悟塵居者應將火宅同

觀袁係侍郎漲新池

一作崔郎中

引水春山近穿雲復遶林
繞聞籬外響已覺石邊深
滿處侵苔色澄來見柳陰
微風月明夜知有五湖心

春日過李侍御

高柳滿春城東園有鳥聲
折花朝露滴漱石野泉清
心許陶家醉詩逢謝客呈
應憐末行吏曾是魯諸生

過司空曙村居

南北與山鄰蓬蒿庇一身繁霜疑有雪枯草似無人
遂性在耕稼所交唯賤貧何言張祿傲每重德璋親

客舍喜崔補闕司空拾遺訪宿

步月訪諸鄰蓬居宿近臣弊裘先醉客清鏡早朝人
壞壁煙垂網香街火照塵悲榮俱是分吾亦樂吾貧

關口逢徐邁

廢寺連荒壘那知見子真關城夜有雪冰渡曉無

人酒裏唯多病山中願作鄰常聞兄弟樂誰肯信
家貧

雪謬後逢李叔度

相逢空握手往事不堪思見少情難盡愁深語自
遲草生分路處雨散出山時強得寬離恨唯當說
後期

喜從弟激初至

儒服策羸車惠然過我廬叙年慙已長稱從意何
踈作吏清無比爲文麗有餘應嗤愛恩者頭白讀
兵書

秋夜同暢當宿潭上西亭

圓月出山頭，
賢林下遊梢。
梢寒葉墜，
麗麗月波流。
鳬鵲共思曉，
菰蒲相與秋。
明當此中別，
一爲望汀洲。

同耿湔宿陸澧旅舍

當軒雲月開，
清夜故人杯。
擁褐覺霜下，
抱琴聞鴈來。
迎風君顧步，
臨路我遲迴。
雙鬢共如此，
此懽非易陪。

秋夜同暢當宿藏公院

禮足一垂淚，
醫王知病由。
風螢方喜夜，
露槿已傷秋。

秋顧以兒童愛每從仁者求將祈竟何得滅跡在
緇流

宿澄上人院

竹窓開遠水月出似溪中香覆經年火幡飄後夜
風性昏知道曉學淺喜言同一悟歸身處何山路
不通

尋賈尊師

玉洞秦時客焚香映綠蘿新傳左慈訣曾與右軍
驚井臼陰苔遍方書古字多成都今日雨曾與酒
相和

藍溪期蕭道士採藥不至

春風生百草幾處木苗香人遠花空落溪深日復
長病多知藥性老近憶仙方青節何由見三山桂
自芳

至德中贈內兄劉贊

時難訪親戚相見喜還悲好學年空在從戎事已
遲聽琴泉落處步履雪深時惆悵多邊信青山共
有期

春思貽李方

長安三月春難別復難親不識冶遊伴多逢憔悴

人漸知催淡薄轉覺老殷勤去矣盡如此此辭悲
未陳

元日早朝呈故省諸公

萬戟凌霜布森森瑞氣間垂衣當曉日上壽對南
山濟濟延多士躑躑舞百蠻小臣無事諫空愧伴
鳴環

新移北廳因吟同院諸公兼呈暢博士

華軒邈台座顧影忝時倫弱質偃彌曠清風來亦
頻恩輝坐凌邁景物恣芳新終乃愧吾友無容私
此身

首冬寄河東昭德里書事貽鄭損舍曹

清冬和暖天老鈍晝多眠日愛閭巷靜每聞官吏
賢寒菹供家食腐藥宿厨煙且復執杯酒無煩輕
議邊

行藥前軒望華山人

不覺老將至瘦來方自驚朝昏多病色起坐有勞
聲腠暖苦晴痒藏虛唯耳鳴桑公富靈術一爲保
餘生

冬曉呈鄰里

終夜寢衣冷開門思曙光空堦一藁葉華室四鄰

霜望闕覺天迫憶山懸路荒途中一留滯雙髯
然蒼

大梵山寺院奉呈趣上人趙中丞

散髮休人事僧房學閉關伴漁浮水上看鶴向林
間寺古秋仍早松深暮更閑月中隨道友夜夜坐
空山

訓孫侍御春日見寄

經過里巷春同是謝家鄰顧我覺衰早荷君留醉
頻松高猶覆草鶴起暫縈塵始悟達人志患名非
患貧

訓苗員外仲夏歸郊居遇雨見寄

雷響風仍急人歸鳥亦還
亂雲方至水驟雨已喧
山田鼠依林上池魚戲草間
因高比埃霧一詠一開顏

訓韋渚秋夜有懷見寄

蕭條涼夜永秋草對衰顏
露下鳥初定月明人自閑
獨悲無舊業共喜出時艱
爲問功成後同遊何處山

和金吾裴將軍使往河北宣慰因訪張氏昆季舊居兼寄趙侍郎趙卿拜陵未迴

飛軒不駐輪感激漢儒臣氣攝千夫勇恩傳萬里
春古原收野燎寒笛怨空鄰書此達良友五陵風
雨頻

奉和陝州十四翁中丞寄雷州二十翁司馬
聯飛獨不前迥落海南天賈傳竟行矣邵公唯茲
然瘴開山更遠路極水無邊沉劣本多感况聞原
上篇

和趙端公九日登石亭上和州家兄

洛浦想江津悲懽共此晨採花湖岸菊望國舊樓
人鴈別聲偏苦松寒色轉新傳書問漁叟借冠爾

何因

和太常李主簿秋中山下別墅即事

清秋來幾時
宋玉已先知
曠朗霞映竹
澄明山滿
漣葦橋雙鶴
赴收果衆猿
隨韶樂
今方奏
雲林徒
蔽虧

和王倉少尹暇日言懷

清秋多暇日
况乃是夫君
習靜通仙事
書空閱篆

錄

作

文劍飛終上
漢鶴夢不離
雲無限
煙霄路何

嗟迹未分

春日山中憶崔峒吉中孚

一本作寄李舍人

延步愛清晨空山日照春
密房那有主石室自無
鄰泉急魚依藻花繁鳥
近人誰言是徒侶唯與
老相親

偶宿山中憶暢當

深山夜雪晴坐憶曉山明
讀易罷三卷彈琴當五
更藤蘿枯有影品壑凍
無聲此夕一相望君應
知我誠

秋晚還後野望憶夏侯審

天清禾黍平暢目亦傷情
野店雲日麗孤莊砧杵
鳴川原唯寂寞岐路自
縱橫前後無儔侶此懷誰

與呈

元日朝廻中夜書情寄南宮二故人

鳴珮隨鵷鷺登堦見冕旒無能裨聖代何事別滄
洲閑夜貧還醉浮名老漸羞鳳城春欲晚郎吏憶
同遊

春日灞亭同苗員外寄庾侍郎

坐見春雲暮無因報所思川平人去遠日暖鴈飛
遲對酒山長在看花鬢自衰誰堪登灞岸還作異
鄉悲

夜中得循州趙司馬侍郎書因寄回使

極玄集取

此

瘴海寄雙魚中宵達我居兩行燈下淚一紙嶺南
書地說炎蒸極人稱老病餘殷勤報賈傳莫共酒
杯踈

秋夜寄馮著作

河漢淨無雲鴻聲此夜聞素心難比石蒼髯欲如
君露槿月中落風螢池上分何言十載友同迹不
同群

寄贈暢當山居

古村荒石路歲宴獨言歸山雪厚三尺社榆麓十

園虬龍寧守韞鸞鶴豈矜飛君子固安分毋聽勞
者譏

卷終

丁籤二十六盧綸之三

唐音統籤卷

二百七十一

五言律詩二

赴池州拜覲舅氏留上考功郎中舅

時舅氏初貶官

池州

孤賤易蹉跎其如酷似何
衰榮同族少生長外家
多別國桑榆在沾衣血淚和
應憐失行鴈霜霰寄
煙波

將赴閩鄉灞上留別錢起員外

暖景登橋望分明春色來
離心自惆悵車馬亦徘徊
遠雪和霜積高花占日開
從官竟何事憂患已

相催

留別耿漳侯釗馮著

相識少相知與君俱已衰
笙鏞新宅第岐路古山陂
學道功難就爲儒事本遲
惟當與漁者終老遂其私

春日書情贈別司空曙

壯志隨年盡謀身竟未安
風塵交契絕老大別離難
臘近晴多暖春遲夜却寒
誰堪少兄弟三十又無官

秋晚河西縣樓送渾中允赴朝闕

高樓吹玉簫車馬上河橋岐路自奔騰壺觴終寂
寥芳蘭生貴里片玉立清朝今日台庭望心遙非
地遙

送耿拾遺澤克括圖書使往江淮

傳令收遺籍諸儒喜餞君孔家唯有地禹穴但生
雲編簡知還續蟲書亦自分如逢北山隱一爲謝
移文

送撫州周使君

即侍中
之婿

周郎三十餘天子賜魚書龍節隨雲水金鏡動里
閭松聲三楚遠鄉思百花初若轉弘農守蕭咸事

不如

送夔州班使君

曉日照樓船三軍拜曉前白雲隨浪散青壁與城
連萬嶺岷峨雪千家橘柚川還如赴河內天子許
經年

送郎士元使君赴郢州

賜衣兼授節行日郢中聞花發登山廟天清開水
軍漁商三楚接郡邑九江分高興應難遂元戎有
大勲

送韓都護還邊

奸勇知名早爭雄上將間戰多春入塞瀛嶺夜燒
山陣合龍蛇動軍移草木閑今來部曲盡白首過
蕭關

送渾別駕赴舒州

江平蘆荻齊五兩貼檣低遶郭覆晴雪滿船聞曙
雞鱸鮓宜入貢橘柚亦成蹊還似海沂日風清無
鼓聲

送郭判官赴振武

黃河九曲流繚繞古邊州鳴鴈飛初夜羌胡正早
秋淒涼一作清金管思迢迢玉人愁七葉推一作雖多

慶須懷殺敵憂

送劉判官赴豐州

銜杯吹急管滿眼起風砂大漠山沉雪長城草發
花策行須耻戰虜在莫言家余亦祈勲者如何別
左車

送鹽鐵裴判官入蜀

傳詔收方貢登車著賜衣權商蠻客富稅地芋田
肥雲白風雷歇林清洞穴稀炎涼君莫問見卽在
忘歸

送絳州郭叅軍

炎天故絳路千里麥花香
薰澤雷聲發汾橋水氣
涼府超隨宓賤野宴接王祥
送客今何幸經宵醉
玉堂

送王錄事赴任蘇州

卽舍人堂弟

古堤迎拜路萬室一帆前
潮作澆田雨雲成煮海
烟吏閒唯重法俗富不憂邊
西掖今宵詠還應寄
阿連

送陝府王司法

東門雪覆塵出送陝城人
粉郭朝喧市朱橋夜掩
津上寮應重學小吏已甘貧
謝朓曾爲掾希君一

比鄰

送從叔士準赴任潤州司士

雲起山城幕沉沉江上天風吹建業雨浪入廣陵
船久是吳門客常聞謝守賢終悲去國遠淚盡竹
林前

送李縱別駕加員外郎却赴常州幕

霄漢正聯飛江湖又獨歸暫歡同賜被不待易朝
衣山雨迎軍晚蘆風候火微還當宴鈴閣謝守亦
光輝

送暢當赴山南幕

含情脫佩刀持以佐賢豪是月霜霰下伊人行役
勞事將名共易文與行空高去矣奉戎律悲君爲
我曹

送李校書赴東川幕

泥坂望青城浮雲與棧平字形知國號眉勢識山
名編簡塵封閣戈鋌雪照營男兒須聘用莫信筆
堪耕

送從叔程歸西川幕

千山水雪晴山靜錦花明群鶴棲蓮府諸戎拜柳
營浪依巴字息風入蜀關清豈念在貧巷竹林鳴

鳥聲

送宋校書赴宣州幕

南想宣城郡清江野戍閑
艤艫高映浦睥睨曲隨山
名寄圖書內威生將吏間
春行板橋暮應伴庾公還

咸陽送房濟侍御歸太原幕

昔嘗與濟同遊此邑

舊居無舊鄰似見故園春
復對別離酒欲成衰老人
客衣頻染泪軍旅亦多塵
握手重相勉平生心所因

送澗南崔少府歸徐郎中幕

葉下山邊路行人見自悲夜寒逢雪處日暖到村
時語少心長苦愁深醉自遲
羨有幕
中期

送朝長史赴荆南舊幕

元瑜思舊幕幾夜夢旌旆署退蒹葭雨秋生鼓角
天月明三峽路浪裡九江船

送顏推官遊銀夏謁韓大夫

叢叢叶寒笛滿眼塞山青才子樽前畫將軍石上
錦徽聲雲外響戰血雨中腥苦樂從來事因君一

涕零

送陳明府赴萍縣

素舸載陶公南隨萬里風
梅花成雪嶺橘樹當家
僮洞掩荒山下田開野
荻中歲終書善績應與古
碑同

送菊潭王明府

組綬掩衰顏輝光里第間
晚涼經灞水清晝入商
山行境逢花發彈琴見
鶴還唯應理農畝鄉老
賀君閑

送樂平苗明府

累職比柴桑清秋入楚鄉一船燈照浪兩岸樹凝
霜亭吏趨寒霧山城歛曙光無辭折腰久仲德在
駕行

送朝邑張明府

此公善琴或云送夏縣

千室暮山西浮雲與樹齊剖辭雲落紙擁吏雪成
泥野火蘆千頃河田水萬畦不知琴月夜誰得聽
鳥啼

送永陽崔明府

鶴唳蒹葭曉

一作岸

中流見楚城浪清風乍息山白

月猶明廢路開荒木歸人種古營懸聞正訛俗邴

曼最知名

送寧國夏侯丞

楚國青蕪上秋雲似白波五湖長路少九派亂山

多謝守通詩宴陶公許醉過無錢

一作無然餞離阻年

髻兩蹉跎

送元贊府重任龍門縣

二職亞陶公歸程與夢同柳垂平澤雨魚躍大河

風混迹威長在孤清志自雄應嗤向隅者空寄路

塵中

送宛丘任少府

帶綬別鄉親東爲千里人俗訛唯競祭地古不留
春野成雲藏火軍城樹擁塵少年何所重才子又
清貧

送丹陽趙少府

即給事中
渭親弟

恭聞林下別未至亦沾裳荻岸雨聲盡江天虹影
長佩韋宗懶慢偷橘愛芳香遙想從公後稱榮在
上堂

送元昱尉義興

欲成雲海別一夜夢天涯白浪綠江雨青山繞縣
花風標當劇步冠帶稱儒家去矣謝親愛知予髮

已華

送黎熈尉陽

玉貌承嚴訓金聲精上才列筵青草偃蹇馬綠楊
開潘縣花添發梅家鶴暫來誰知望恩者空逐路
人迴

送姨弟裴均尉諸暨

此子先君元
相舊判官

相悲得成長同是外家恩舊業廢二畝弱年承一
門城開山日早吏散渚禽喧東閣謬容止予心君
冀言

送顧秘書獻書後歸岳州

黃葉落不盡蒼苔隨雨生
當軒置樽酒送客歸江
城竹裏聞機杼舟中見弟兄
岳陽賢太守應爲改
鄉名

送趙真長歸夏縣舊山依陽徵君讀書

臨杯忽恹然非是惡離絃
塵陌望松雪我衰君少年
閑僧曝山果寒鹿守冰泉
感物如有待况依回
也賢

送馬尚書郎君侍從歸覲太原

玉人垂玉鞭百騎帶褰韃
從賞野郵靜獻新秋果
鮮寒屯豐雨雪虜帳失山川
遙想稱觴後唯當共

被眠

送太常李主簿歸覲省

粲粲美仍都清閑一貴儒定交分玉劍發詠寫冰壺風景隨台位河山入陣圖上堂多慶樂肯念谷中愚

送張調參軍侍從歸覲荆南因寄長林司空

十四曙

得清字

玉勒侍行襜褕超未有髯守儒輕獵騎承誨訪沉潛雲勢將峰雜江聲與嶼兼還當見王粲應念二毛添

送衛司法河中覲省

卽故王吏部
延昌外甥

出身因強學不以外家榮
年少無遺事官閑有政
聲曉山臨野渡落日照軍營
共賞高堂下連行弟
與兄

送從姪滁州覲省

愛爾似龍媒翩翩千里廻
書從外氏學竹自晉時
栽擁棹逢鷗舞憑闌見雨來
上堂多慶樂不醉莫
停杯

送黎兵曹往陝府結親

所昏卽君
從母女弟

郎馬兩如龍春朝上路逢
鴛鴦初集水薜荔欲依

松步帳歌聲轉粧臺燭影重何言在陰者得是戴
侯宗

送從舅成都丞廣歸蜀

巴宇天邊水秦人去是鯤棧長山雨響溪亂火田
稀俗富行應樂官雄祿豈微魏舒終有淚還濕甯

家衣

一作李
端詩

又

褒谷通岷嶺青冥此路深晚程椒瘴熱野飯荔枝
陰古郡三刀夜春橋萬里心唯應對楊柳暫醉卓
家琴

送尹樞令狐楚及第後歸覲

佳人比香草君子卽芳蘭
寶罷金鸞重清音玉珮
寒貢文齊受寵獻禮兩承歡
鞍馬并汾地爭迎陸
與潘

送魏廣下第歸楊州

楚鄉雲水內春日衆山開
淮浪參差起江帆次第
來獨歸初失桂共醉忽停杯
漢詔年年有何愁掩
上才

送何召下第後歸蜀

褒斜行客過棧道響危空路濕雲初上山
暄日正

中水程通海貨地利雜吳風一別金門遠何人復
薦雄

送潘述應宏詞下第歸江南

愁與醉相和昏昏竟若何感年懷闕久失意夢鄉
多雨裡行青草山前望白波江樓覆棊好誰引仲
宣過

送裴僊

諫獵名空久多因病與貧買書行幾市帶雨別何
人客路山連水軍州日映塵淒涼一分手俱恨老
相親

送李端

杜玄集
取此

故關衰草遍離別自堪悲
路出寒雲外人歸暮雪
時少孤爲客早多難識君
邊掩淚空相向風塵何
處期

送李方東歸

卽故李枝
書端親弟

故交二四人間別其沾巾舉目足陳事
滿城無至
親身從喪日病家自儉年貧此去何堪遠
遠孤在
舊鄉

罪所送苗員外上都

謀身當議罪寧遣友朋聞禍近防難及愁長思奉

分寂寥驚遠語幽閉望歸雲親戚如相見唯應泣
向君

送笑公法師歸內道場

昏昏醉老大漣漣遇醍醐嬾御呈心鏡點王陽髻
珠降魔須曉客問疾敢行無深契何妨秘儲宗本
不殊

送少微上人遊蜀

瓶鉢繞禪衣連宵宿翠微樹開巴水遠山曉蜀星
稀識過中朝貴多請外學非何當一傳修造侶願
知歸

送惟良上人歸江南

落日映危橋歸僧問岳陽注瓶寒浪靜讀律夜松
香苦霧沉山影陰霞鬢海光群生一何負臨病別
醫王

送恒操上人歸江外覲省

依佛不違親高堂與寺鄰問安雙樹曉求膳一僧
貧持呪過龍廟翻經化海人還同惠休去儒者亦
霑巾

送道士鄒彛素歸內道場

病老正相仍忽逢張道陵羽衣風淅淅仙貌玉稜

發此我問中壽教人祈上昇樓居五雲裏幾與一作
武皇登

送王尊師

夢別一仙人霞衣滿鶴身旌幢天路遠一作桃杏

海山春種玉非求稔燒金不爲貧自憐頭白早一作

向難與葛洪親

賦得彭祖樓送楊德宗歸徐州幕

四戶八窓明玲瓏逼上清外欄黃鵠下中柱紫芝
生每帶雲霞色時聞簫管聲望君兼有月幢蓋儼
層城

賦得館娃宮送王山人遊江東

蒼蒼楓樹林草合廢宮深
越水風浪起吳王歌管
沉燕歸巢已盡鶴語塚難尋
旅泊彼何夜希君抽
玉琴

達奚中丞東齋壁畫山水各賦一物得樹杪
懸泉送長安趙元陽少府

素壁畫飛泉從雲落樹顛
練緜疑葉響雲迸覺枝
偏利物得雙劍爲儒當一
賢應思灑塵陌調鐸亦
芳鮮

送張成季往江上賦得垂楊

垂楊真可憐地勝覺春偏一穗雨聲裏千條池色
前露繁花的樂日麗影團圓若到隋堤望應逢花
滿艫

同兵部李紆侍郎刑部包佶侍郎哭皇甫侍
御曾

攀龍與泣麟哀樂不同塵九陌霄漢侶一燈冥漠
人舟沉驚海濶蘭折怨霜頻已矣復何見故山應
更春

七夕詩

同用
秋字

祥光若可求閨女夜登樓月露浩方下河雲凝不

流鉛華潛警曙機杼暗傳秋迴想歛餘暎人天俱
是愁

又

同用
期字

涼風吹玉露河漢有幽期星彩光仍隱雲容掩復
離良宵驚曙早閨歲怨秋遲何事金閨子空傳得
網絲

論開府席上賦得詩美人名解愁

不敢苦相留明知不自留
嚬眉乍欲語歛笑又低頭
舞態微兼醉歌聲似帶羞
今朝總見也只要解人愁

同耿漳司空曙二拾遺題韋員外東齋花樹
綠砌紅花樹狂風獨未吹光中疑有燄密處似無
枝鳥動香輕發人愁影屢移今朝數片落爲報漢
郎知

九日奉陪令公登白樓同詠菊

瓊樽有仙菊可以獻留侯願比三花秀非同百卉
秋金英分葉細玉露結房稠黃雀知恩在銜飛亦
上樓

山中詠古木

極玄集
取此

高林已蕭索夜雨復秋風墜葉鳴藂

一作
荒

竹斜根

擁斷蓬半侵山影裡長在水聲中此地何人到雲

門

一作間

去未

一作亦

通

和徐法曹贈崔洛陽斑竹杖以詩見答

玉幹一尋餘苔花錦不如勁堪和醉倚輕好向空
書採拂稽山曲因依釋氏居芳辰將獨步豈與此
君疎

丁籤二十六盧綸之四

唐音統籤卷

二百七

五言排律

奉和麟德殿宴百寮應制

一作常
哀詩

雲關御筵張山呼聖壽長
玉欄豐瑞草金陛立神
羊台鼎資庖膳天星奉
酒漿蠻夷陪作位犀象舞
成行網已祛三苗歌因守
四方千秋不可極花發
滿宮香

從軍行

一作李
端詩

二十在邊城軍中得勇名
卷旗收敗馬占磧擁殘
兵覆陣烏鳶起燒山草木
明塞閑思遠獵師老厭

分營雪嶺無人跡
冰河足鴈聲
李陵其此沒惆悵
漢公卿

過終南柳處士

二老正相尋
圍碁到煮金石
摧丹井閉月過洞門
深猿鳥三時下
藤蘿十里陰
綠泉多草氣
青壁少花林
自愧非仙侶
何言見道心
悠哉宿山口
雷雨夜沉沉

晚到盤屋耆老家

老翁曾舊識
相引出柴門
苦話別時事
因尋溪上村
數年何處客
近日幾家存
冒雨看禾黍
逢人憶

子孫亂藤穿井口流水到籬根惆悵不堪住空山
月又昏

奉陪侍中春日過武安君廟

長裾間貔虎遺廟盛攀登白羽三千
層元臣達幽契祝史告明徵撫坐悲今古瞻容威
廢興廻風卷藁栢驟雨濕諸陵倏忽煙花霽當營
看月生

過李尊師院

一作過樓觀李尊師

城闕望烟霞常悲仙路賒寧知樵子逕得到葛洪
家犬吠松間月人行洞裏花留詩千載鶴送客五

雲車訪世山空在觀
暮日未斜不知塵俗
誰解種胡麻

同耿拾遺春中題第四郎新修書院

一作同錢員外

春中題薛藏少府新書院

得接西園會多因野性同
引藤連樹影移石間花
叢學就晨昏外歡生禮樂中
春遊隨墨客夜宿伴
潛公散帙燈驚燕開簾月帶風
朝朝在門下自與五侯通

題金吾郭將軍石狀茅堂

一作常
袁詩

雲戟曙沉沉軒墀清且深
家傳成棟美堯龍結茅

心玉佩多依石油幢亦在林爐香諸洞暖殿影衆
山陰草奏風生筆筵開雪滿琴客從龍闕至僧自
虎溪尋瀟洒延清賞週流會素襟終朝息塵步一
醉間華簪

題念濟寺暈上人院

泉響竹蕭蕭潛公居處遙虛空聞偈夜清淨雨花
朝放鶴臨山閣降龍步石橋世塵徒委積劫火定
焚燒苔壁雲難聚風篁露易搖浮生亦無着况乃
是芭蕉

和常舍人晚秋集賢院卽事十二韻寄贈江

南徐薛二侍郎

綸閣九華前森沉綺伏連洞門開旭日清禁肅秋
天霜滿朝容備鐘餘漏唱傳搖璫陪羽扇端弁入
爐煙麟筆刪金篆龍綃薦玉編汲書荀勗定漢史
蔡邕專御竹潛通荀宮池暗瀉泉亂聚縈弱蕙墜
葉灑枯蓮列署齊遊日重江並謫年登封思議草
侍講憶同筵滄海風濤廣黜山瘴雨偏唯應緘上
寶贈遠一呈妍

和太常王卿秋日卽事

嵩高雲日明潘岳賦初成籬槿花無色堦桐葉有

聲絳紗垂簾淨白羽拂衣輕鴻鴈悲天遠龜魚覺
水清別絃添楚思牧馬動邊情田雨農官問林風
苑吏驚松篁終茂盛蓬艾自衰榮遙仰憑軒久惟
應善一作宋生

和考功王員外杪秋憶終南舊居

一作岑參
又作常袞

詩

靜憶溪邊宅知君許謝公曉霜凝未耜初日照梧
桐澗鼠喧藤蔓山禽竄石藜白雲當嶺雨黃葉遶
堦風野果垂橋上高泉落水中懽榮來自閭羸賤
賞難同月滿珠藏海天晴鶴在籠餘陰如可寄願

得隱牆東

和李使君三郎早秋城北亭樓宴崔司士因
寄關中弟張評事時遇

黃花古城路上盡見青山桑柘晴川口牛羊落照
間野情隨卷幔軍事隔重關道合偏多賞官微獨
不閒鶴分琴久罷書到鴈應還爲謝登龍客瓊枝
寄一攀

奉和戶曹叔夏夜寓直寄呈同曹諸公并見
示

歛板捧清詞恭聞侍直時暮座歸衆騎遽宇捨諸

司華月先燈至清風與簾隨亂螢光熠燿行樹影
離離龍卧人寧識鵬搏鷃豈知便應當五夜敢望
竹林期

和李益遊栖嵒寺

一作常
哀詩

林香雨氣新山寺綠無塵
遂結雲外賞共遊天上
春鶴鳴金閣麗僧語竹房
隣待月水流急惜花風
起頻何方非壞境此地有
歸人迴首空門路
一幻身

酬李端長安寓居偶詠見寄

一作酬
暢當

自別前峰隱同爲外累侵
幾年親酒會此日有僧

尋學稼功還棄論邊事亦沉衆歡徒滿目專愛久
離心覽鏡絲垂鬢彈絃淚灑琴訪田悲洛下寄宅
憶山陰薄溜漫青石橫雲架碧林壞簷藤障密衰
菜棘籬深流散俱多故憂傷併在今爲當俟一作惟當
高躅歸止共抽簪

謝陳翊郎中冬至携柳郎實郎歸河中舊居
見寄

三旬一休沐清景滿林廬南郭群儒從東床兩客
居燒煙浮雪野麥隴潤水渠斑白皆持酒蓬茅盡
有書終期買寒渚同此利蒲魚

訓李叔度秋夜喜相遇因傷關東寮友喪並
見贈

寒月照秋城秋風泉澗鳴過時見蘭蕙獨夜感衰
榮酒散同移席心悲似遠行以愚求作友何德敢
稱兄谷變波長急松枯藥未成恐看新髣髴怯問
故人名野澤雲陰散荒原日氣生羈飛本難定非
是惡絃驚

雪謗後書事上皇甫大夫

盛德總群英高標仰國楨獨安巡狩日曾掩趙張
名業就難辭寵朝回更授兵曉川分牧馬夜雪覆

連營長策威殊俗嘉謀翊聖明
畫圖規陣勢夢筆紀山行
綬拂池中影珂搖竹外聲
賜歡徵妓樂陪醉間公卿
却憶經前事翻疑得此生
分深存沒感恩在子孫
榮覽鏡愁將老捫心喜復驚
豈言沉族重但覺殺身輕
有淚沾墳典無家集弟兄
東西遭世難流浪識交情
開古宗文舉推才慕正平
應憐守貧賤又欲事躬耕

書情上大尹十兄

紫陌絕纖埃油幢千騎來
剖辭紛若雨解吏殷成雷
聖澤初憂壅群心本在台
海鱗方撥刺雲翼暫

徘徊芳室芝蘭茂春蹊桃李開江湖餘派少鴻雁
遠聲哀命厭著龜誘年驚弟姪催磨鉛暫砥礪揮
策愧駑駘玉管能喧谷金爐可變灰應憐費思郎
銜淚亦銜枚

幕中秋夜獨坐遲明因陪陳翊郎中晨謁上
公聊書卽事兼呈同院諸公

風淒露泫然明月在山巔獨倚古庭樹仰看深夜
天葉翻螢不定蟲思草無邊南舍機杆發東方雲
景鮮簪裘肅已整車騎儼將前百雉拱雙戟萬夫
尊一賢琳琅多謀蘊律呂更相宣曉桂香泥露新

鴻晴滿川熙熙造功化穆穆唐堯年顧已草同賤
誓心金匪堅蹇辭慙自寡渴病老難痊書此更何
問邊韶唯晝眠

宴趙氏昆季書院因與會文并率爾投贈

詩禮挹餘波相懽在珷磨琴樽方會集珠玉忽駢
羅謝族風流盛于門福慶多花攢騏驎檻錦綸鳳
凰窠詠雪因饒妹書經爲愛鵲仍聞廣練被更有
遠儒過

江北憶崔汶

夜間江西客還知在楚鄉全身出部伍盡室逐漁

商晴日遊瓜步新年對漢陽月昏驚浪白瘴起
雲黃望嶺家何處登山汨幾行閩中傳有雪應且
住南康

早春遊樊川野店却寄李端校書崔峒補闕
司空曙主簿耿漳拾遺

白水遍溝塍青山對杜陵晴明人望鶴曠野鹿隨
僧古柳連巢折荒堤帶草崩陰橋全覆雪瀑溜半
垂冰鬬鼠搖松影遊龜落石層韶光偏不待衰敗
巧相仍桂樹曾爭折龍門幾共登琴師阮校尉詩
和柳吳興舐筆求書扇張屏看畫蠅卜鄰空遂約

問卦獨無徵投足經危路收才遇直繩守農窮自
固行藥病何能掩帙蓬蒿晚臨川景氣澄颯然成
一叟誰更慕騫騰

客舍苦雨卽事寄錢起郎士元二員外

積雨暮淒淒羈人獨自栖響空宮樹接覆水野雲
低穴蟻多隨草巢蜂半墜泥遠池牆蘚合擁溜瓦
松齊舊浦平如海新溝曲似溪壞闌留衆蝶歌棟
上一作止群雞莠盛終無實槎枯遂有莢綠萍藏廢

井黃葉隱危堤閭里歡將絕朝昏望亦迷不知霄

漢侶何路可相携一作何路事攀躋

郊居對雨寄趙涓吉士包佶郎中

暑雨青山裏隨風到野居
亂漚浮曲砌懸溜滴前
除塵鏡愁多掩蓬頭懶更梳
夜窻淒枕席陰壁潤
圖書蕭颯宜新竹龍鍾拾野蔬
石泉空自咽藥圃不堪鋤
濁水淙深轍荒蘭擁敗渠
繁枝留宿鳥碎浪出寒魚
桑屐時登望荷衣自卷舒
應憐在泥滓無路託高車

寄贈庫部王郎中

時充折
襪使

諤諤漢名臣從天令若春
叙辭皆詔旨稱使卽星
辰草木承風偃雲雷施澤均
威懲治粟尉恩洽讓

田人泉貨方將散京坻自此陳五營俱益龜千里
不停輪未遠金門籍旋清玉塞塵碩儒推慶重良
史頌公頻鶴髮逢新鏡龍門躍舊鱗荷君偏有問
深感浩難申

卧病寓居龍興觀枉馮十七著作書知罷攝
洛陽赴緱氏因題十四韻寄馮生并贈喬尊

師

時子罷
推官

乞假依山宅蹉跎屬歲周弱莢輕採拾鈍質稱歸
休潘岳衰將至劉楨病未瘳步遲乘羽客起晏滯
書郵幸以編方驗終貽骨肉憂灼龜爐氣冷曝藥

樹陰稠語命心堪醉傷離夢亦愁葦簷居已絕鸞
鶴見無由世累如塵積年光劇水流躡雲知有路
濟海豈無舟倚玉翻成難投磚敢望訓卑棲君就
祿羸憊我逢秋腐葉填荒轍陰螢出古溝依然在
遐想願子勵風猷

逢南中使因寄嶺外故人

見說南來處蒼梧接桂林過秋天更暖近海日長
陰巴路緣雲出蠻鄉入洞深信迴人自老夢到月
應沉碧水通春色青山寄遠心炎方難久客莫使

歸毛陵

未句一作爲
霜襟

代袁將軍罷戰歸故里寄朔北故人

一作常袁詩

結髮事疆場，全生到海鄉。
連雲防鐵嶺，同日破漁陽。
牧馬胡天晚，移軍積路長。
枕戈眠古戍，吹角立繁霜。
歸老勲仍在，酬恩虜未亡。
獨行過邑里，多病對農桑。
雄劍依塵席，陰符寄藥囊。
空餘麾下士，猶逐羽林郎。

號州逢侯釗同尋南觀因贈別

時居停務

相見離惻悵，應憐責廢官。
過深慙祿在，識淺賴刑寬。
獨失耕農業，同思弟姪歡。
衰貧羞客過，卑束會君難。
放鶴登雲壁，澆花遶石壇。
興還江海上，跡在

是非端林密風聲細山高雨色寒悠然此中別窟
僕亦闌干

落第後歸山下舊居留別劉起居昆季

寂寞過朝昏沉憂豈易論有時空卜命無事可酬
恩寄食依鄰里成家望子孫風塵知世路衰賤到
君門醉裏因多感愁中欲強言花林逢廢井戰地
識荒園悵別臨晴野悲春上古原烏歸山外樹人
過水邊村潘岳方稱老稽康本厭喧誰堪將落羽
迴首仰飛翻

送鮑中丞赴太原

月音新集
分路引鳴騶喧喧似隴頭暫移西掖望全解北門
憂專幕臨鄒護分曹制督郵積氷營不下盛雪獵
方休白草連胡帳黃雲擁戍樓今朝送旌旆一減
魯儒羞

寶泉寺送李益端公歸邠寧幕

參差巖嶂東雲日晃龍宮石淨非因雨松涼不爲
風戀泉將鶴並偷果與猿同眼界塵雖染心源蔽
一作路 已過蓮花國何限貝葉字無窮早晚登麟閣
慈門欲付公

東潭宴餞河南趙少府

十載奉戎軒日聞君子言方將賀榮爵遽乃愴離
罇岸轉臺閣麗潭清絃管繁松篁難晦節雨露不
私恩坐使吏相勉居爲儒所尊可憐桃李樹先發
信陵門

送夏侯校書歸華陰別墅

山前白鶴村竹雪覆柴門候客定爲黍務農因燎
原乳水懸暗井蓮石照晴軒貰酒鄰里睦曝禾塲
圃喧依然望君去余性亦何昏

送彭開府往雲中覲使君兄

一門三代貴非是主恩偏破虜山名在承家劍藝

金奪旗貂帳側射虎雪林前雁塞逢兄弟雲州發
管絃凍河光帶日枯草淨無煙儒者曾親武因貽
上將篇

送渾鍊歸覲却赴闕庭

露幕擁簪裾台庭餞伯魚緣衣人競看銀詔帝親
書知子當元老爲臣淺二疎執珪期已迫捧膳步
寧徐而我誠愚者夫君豈病諸探題多決勝饌玉
每分餘榮比成功後恩同造化初甌塵方欲合籠
駟或將舒榆莢錢難比楊花雪不如明朝古隄路
心斷玉人車

仲秋望華清宮中樹因以成詠

一作常哀詩

可憐雲木叢滿禁碧濛濛色潤靈泉近陰清輦路
通玉壇標入柱金井識雙桐交映凝寒露相和起
夜風數枝盤石上幾葉落雲中燕拂宜秋露蟬鳴
覺晝空翠屏更隱見珠綴共玲瓏雷雨生成早樵
蘇禁令雄野藤高助綠仙果迥呈紅惆悵繚坦暮
茲山聞暗蛩

和李舍人昆季詠玫瑰花寄贈徐侍郎

一作常哀

詩

獨鶴寄煙霜雙鸞思晚芳舊陰依謝宅新艷出蕭

月二
蝶散搖輕露鶯銜入夕陽雨朝勝濯錦風夜劇
焚香斷燒千層艷孤霞一一作萬片光密來驚葉少
動處覺枝長布影期高賞留春爲遠芳嘗聞贈瓊
玖叨和愧升堂

清如玉壺冰

玉壺冰始結循吏政初成既有虛心鑒還如照膽
清瑤池慙洞澈金鏡讓澄明氣若朝霜動形隨夜
月盈臨人能不蔽待物本無情怯對圓光裏妍媸
自此呈

六言律詩

送萬巨

把酒留君聽琴難堪歲暮離心霜葉無風自落秋
雲不雨空陰人愁荒村路細馬怯寒溪水深望盡
青山獨立更知何處相尋